

SARS E TLO THUSA BATHO BA NANG LE BOKOWA BA KUTLO

PRETORIA, MANTAHA 2 LOETSE 2019 – Ho keteka Kgwedi ya Phadimeho ya Botholo (Loetse), SARS e tlo sebetsa mmoho le mekgatlo e fapaneng le bomasepala ho tshehetsa batho ba nang le bokowa ba kutlo Afrika Borwa, le ho ba thusa ka merero ya bona ya lekgetho makaleng a itseng a SARS ho phatlalla le naha.

Boiteko bona bo akaretsa diwekshopo tsa lekgetho tse tlang ho etsahala hang feela le hore ho fumanehe tshebeletso ya Botoloki ba Puo ya Matsoho (SASL) ka Labohlano le leng le le leng la kgwedi makaleng a itseng a SARS ho phatlalla le naha.

Boiteko bona ke ho tlosa ditshita tse tobaneng le basebedisi ba Puo ya Matsoho tsa ho hloka ho fihlella ditshebeletso tsa motheo naheng ena ka bophara. Sepheo hape ke ho ikamahanya le maikemisetso a SARS a sehla sena sa lekgetho, ke hore, ho thusa balefalekgetho, ho akareditswe le batho ba nang le bokowa ba kutlo le pono, ho fetohela mekgahlelong ya dijithale.

Setjhaba se koptjwa ho phatlalatsa molaetsa ona ho baahi bohle ba nang le bokowa ba kutlo, le ho boela ba hlokomela hore tshebeletso ena e tla boela e fumaneha le ho baahi ba bang ba hlokanang ho thuswa ho fetohela mekgahlelong ya eFiling le ya SARS MobiApp.

SARS e ikemiseditse ho nehelana ka thuto ka sepheo sa ho ntlafatsa boikobelo ba tefo ya lekgetho le phihlello ya balefalekgetho ba nang le bokowa ba kutlo le pono.

Ho bona lenane le felletseng, [tobetsa mona](#).